

ac primò statim in Ungariæ ingressu captæ aliquot populosæ urbes. Ac licet adversis prælijs fractus Otto Tyrannus, bellum tamen redintegrare est ausus. Et jam vergente in exitum anno, ex affecto magis bello quàm confecto Rex in Saxoniam ad hiberna concesserat.

Herman-
ni Mona-
steriensis
Præfulis
obitus.
Lambertus
Schaf. in
Chron.

Inter hæc 21 Julij Hermannus Mimigardevordensis præclarissimus Episcopus excessit è vita, anno gesti Episcopatus decimo. Tumulus ei datus ante aram principem in Basilica, quam priori anno dedicaverat, cujus tamen modò nulla vestigia supersunt. Tam ingrata, atque immemor beneficiorum ætas in posteris. Inter cetera hæc illi laus data, habuisse clerum non minus quàm Scholas florentissimas. Successor ei in Episcopatu datus Rudbertus, quem fasti Robertum vocant, uti hæc Lambertus Schafnaburgensis consignavit.

Mors Em-
mæ foro-
ris Mein-
werci.

Mortua quoque hoc anno Emma Meinwerci Episcopi nostri soror, Ludgero Comiti denupta, postquam per XL. annos vidua omnes thesauros in Ecclesiam Bremensem & pauperes erogasset, præclarâ sanctitatis fama apud posteros relictâ. Sed hoc ipso anno, uti Adamus Bremensis scribit. *Domus Ecclesiaeque S. Petri Bremæ conflagravit,*

Bremen-
sis Ec-
clesiæ
conflagra-
tio & dis-
ciplinæ
relaxatio
hinc con-
secuta.

cujus incendii flamma, claustrum cum officinis, urbem cum edificiis totam consumpsit, veterisque habitaculi nullum remansit vestigium. Ibi sacræ Ecclesiae thesaurus, ibi libri et vestes, ibi omnia ornamenta sunt consumpta.

Quæ damna magna quidem reputat auctor; sed majora, quæ ex solutâ disciplinâ consecuta sunt; quando ex eo tempore Canonici, qui intra claustrum vixerant, vagari, & regulam SS. Patrum, quam per CCLXX annos in communis vitæ societate conservârunt, primùm negligentius habere, ac deinde pravo aliorum Collegiorum cathedralium exemplo abjicere coeperunt; quanquam id Browerus jam ante complures annos Treviris factum observârit.

Annus Christi 1043.

Benedicti IX Pont. 10.

Henrici III Regis 5.

Rothonis Ep. Pad. 8.

Lambertus
Schaf.
Hermannus
contract.
Marianus
Scotus.
Ursberg.
Avent. l. 5.
Boico.
Cleinsorg in
chron.
Pader-
bornam
adit Hen-
ricus, &

At Henricus Regum gloriosissimus, apud Saxones hyemando, Goslariæ Natalitia Christi celebrat. Ibi dum comitia Saxoniorum procerum agitantur, accessit Bohemiæ Dux, honorificè à Rege exceptus, & benignè dimissus: ibi legati Russorum auditi, & tristes dimissi, quòd Regis sui filiam, quam Henrico nuptui obtulerant, aspernatam audirent. Goslaria Rex ad Leodienses profectus, celebratoq; apud eos Paschate, cum Rege Francorum colloquitur. Inde postquam Aquisgranum adiisset, reflexo per Rhenum itinere, in Westfaliam digressus est; & magna procerum frequentia deductus, festum Pentecostes Paderbornæ cum Rothone Episcopo egit; patris cum primis & Henrici sancti exemplo invitatus, quos Imperatores hic lo-

cus